

**Rani paling layak ganti Hasan Ali**  
**MalaysiaKini.com**  
**January 10,2012**  
**Mohd Sany Hamzan**

Dewan Pemuda PAS Negeri Selangor menyokong penuh saranan Datuk Menteri Besar Selangor Tan Sri Abdul Khalid Ibrahim yang meminta supaya Datuk Dr Hasan Ali meletakkan jawatan selaku exco kerajaan negeri secara sukarela.

Ini kerana beliau tidak lagi mewakili parti setelah dipecat keahlian beliau oleh PAS baru-baru ini.

Menteri besar juga menyerahkan kepada pimpinan PAS Selangor untuk melantik pengganti kerana kuota exco tersebut adalah untuk parti PAS.

Dewan Pemuda PAS Negeri Selangor dengan ini juga menyokong penuh saranan Naib Ketua Dewan Pemuda PAS Dr Raja Ahmad Al Hiss, supaya kekosongan untuk exco diserahkan kepada Dr Abdul Rani Osman selaku pesuruhjaya PAS negeri dan Anggota Dewan Undangan Negeri (ADUN) Meru.

Dr Abdul Rani adalah orang yang selayaknya mengisi kekosongan kuota tersebut bukan sekadar beliau merupakan orang PAS nombor satu Selangor tetapi beliau juga cukup dekat dengan rakyat dan cukup prihatin dengan permasalahan rakyat.

Copyright © 1999-2012 Mkini Dotcom Sdn. Bhd  
<http://www.malaysiakini.com/news/186257>